

զիս իսպառ կորուցանելին, որպէս որ վերոյ] գրեցի, թէ ասացին ինձ նախարարքն, թէ եթէ վատ անես՝ քեզ վատ գլնի եւ այլ:

— Հինկերորդն, որ առանց հրամանաց Ֆռանցիկ թագաւորին ոչինչ կամեցայ առնել, որպէս որ օրէն էր եւ հարկն պահանջէր, քանզի ես նոցա անուամբն էլի եւ այլ: Գոն բազում պարագայս, այժմ կարես ասել, թէ մեղանչեցիր, ոչ այնքան զգուշութեամբ պահէին զիս, որ եթէ թռչուն ոք մերձենար առ յիս, կարծէք անկանելին եւ սպանանելին այն թռչունն, զի միգուցէ գիր եւ կամ լուր ինչ հասուցանէմ ի յունկն շահին: Այնքան հաստատեալ էլին ի միտս իւրեանց, թէ եմ բարեկամ շահին եւ թշնամի յիւրեանց, վասն այսորիկ թոյլ ետու եւ սկսայ հայլ ի հեռաստանէ որպէս օտար ոք: Տէս էխպայր, ասաց Տէրն մեր հրեից, թէ եթէ ոչ նախ կապիցէ զհօրն եւ ամենայն տուն նորա աւարի հարկանիցէ⁶³: Արդ զիս կապեցին, ասելին, թէ առիթն ես եմ, զի ոչ կամէլի, թէ ոռւքն գան: Ապա, յո՛ւր է նոցա աւարն եւ նոցա առած տունն: Իմ ժամանակին ինչ որ առել էլին, զկնի մետասան ամաց զայն եւս յետ տվին պարսից եւ ի յետս չոքան:

Հ. Այդ ամենայն պարագայն, որ ասացիր, է արդար պատճառ, բայց զօրանայիր բանիւ Տեառն, մերժէիր ի բաց այժա ամենայն պատճառն ի բաց, զբանիւ Տեառն յաղթէիր բարեան /231b/ շարին, գերագանց աստիճանաց արժանի լինէիր:

Պ. Որովհետեւ իմ ասածն ոչ մտաւ ի յունկն քոյ, հարկաւորեմ լուել, ուստի լար, թէ առանց խնդրանաց, մեծաւորոք բռնութեամբ շնորհեց ինչս ուրուք, կամ ընկեր՝ ցընկերոջն, ոչ, այն Տէրն, որ ասաց, թէ, բարի արաւէք ատելեաց ձերոց, նայես ասաց, թէ մի արկանէք զմարգարիտս ձեր առաջի խոզանց⁶⁴: Պիտի ատելին խնդրէ ի յէն, որ դուն հարկաւորիս առնել նմայ բարի, այժա բան Տէրն մեր ինքնին ոչ արար, զի բռնութեամբ տայր արքայութիւնն

իւր հրէլիցն, այս հարցմունքն յաւելորդ եղեւ էւ քեզ, էւ ինձ պատասխանելն աշխատեն:

Հ. Այտ բան առաւել հաւատարմացուցնէ զքեզ, քան զամենայն բան, զայժա արդար ասացէր եւ որ ասացիր, թէ զիս կապեր են, արդ յուր է նոցա աւարն եւ կամ առած տունն եւ ապրանն: Արդ, հարցանեմ քեզ բան մի, որ ոչ մնայ տարակուսութիւն ի մեր զրուցիցն վերայ, զի շնորհես ասել ինձ զճշմարիտն: Գուցէ դուն խորհրդաբար հաստատե՛լ էլիր ընդ շահին զքո բանն եւ ասել, թէ պինտ կաց մինչ որ յինէն հասանէ քեզ լուր ինչ, ապայ թէ՛ այնպէս գործեայ զգործն քոյ, վասն այն յամառեցան ընդդէմ Ռուստաց:

Պ. Այտ յամառումն Պարսից պատճառ եղեն ոռւք ինքեանք, քանզի ի ներքուստ խոստանային բարեկամ Պարսից եկեալ վասն օգնութեան նոցա եւ արտաքուստ գործօվն յիւրեանց յայտնէցին թշնամութիւն, որ խելահար եւ աշացու լինօղն եւս յիմանայր, թէ են /232a/ խաբեբայ եւ հաստատ թշնամի, վասն այսորիկ յետս խրտեցան պարսք ի Ռուստաց եւ սկսեցին պատերազմաւ ընդդիմանալ յՌուստաց եւ ասելին Պարսք, թէ՛ եթէ մեր բարեկամ էք, եւ թէ վասն օգնութեան մերոյ] եկիք այսր, արդ ընդէ՞ր շինէք զբերթորայս եւ ամրանայք ի նոյնն եւ վնասէք եկամտին մեր թագաւորին, յառաջ մատիք, ոչ կոչեցաք զձեզ վասն շինելոյ] զբերթորայս, այլ միաբանիլ ընդ մեզ եւ պատերազմիլ ընդ թշնամիսն մեր: Մեր թշնամին ասայ Իսպահան է, շնորհեցէք յառաջ մատիք: Բայց ոչ անսային, այլ օր աւուր ամրանային եւ հաստատէլին ի վերայ տիրած յերկրին: Արդ, դուն տուր ի քէն յիրան, եթէ դուն շինէիր անդ ի տեղի պարսից թագաւորին, ի՛նչ կառնէլիր անդ, այլ ինչ պիտոյ էր, յաւել ոք, զի ասիցէր շահին, թէ ոռւք ոչ են ձեզ բարեկամ, յաւելին ողորմելի պարսք ասել յՌուստաց, թէ յիւրաքանչիւր զօրականի տամք ամէն ամսէն մին թուման, տուք մեզ երկոտասան այրս, զի ընդ մեր զօրացն երթիցեն Իսպահան: Ոչ ետուն եւ ոչ քայլ մի ոտից առին: Արդ օ՞վ է այժմ մեղապարտ: Ոչ առաքեն ոռւք ինքեանք: Այժա քու

63 Հմմտ. Մարկ. Գ 27
64 Մատթ. Է 6